

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspeksijske
poslove




1481
1212

Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-05-01696/19
Sarajevo, Maj 20. 2019. godine



Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
(na pažnju predsjedavajućeg, Elmedina Konakovića)

Predmet: *Odgovor na zastupničku inicijativu broj: 01-05-8345-48/19 od 29.03.2019. godine pokrenutu od strane zastupnika Zvonke Marića - dostavlja se;*

Kantonalna uprava za inspeksijske poslove Kantona Sarajevo, dana 04.04.2019.godine zaprimila je zastupničku inicijativu pokrenutu od strane zastupnika Zvonke Marića na Šestoju radnoj sjednici Skupštine Kantona Sarajevo, održanoj dana 26.03.2019. godine u okviru tačke Dnevnog reda " Poslanička /zastupnička pitanja, inicijative i odgovori " a u skladu sa Poslovníkom Skupštine Kantona Sarajevo koje glasi

"Pokrećem inicijativu za pokretanje inspeksijskog nadzora, a tiče se izlivanjeja fekalnih voda na području Pofalića u Humskoj ulici. Ovaj problem nije riješen već duži vremenski period, šta su do sada radile nadležni organi po ovom pitanju?"

U Pofalićima, tačnije Humskoj ulici gdje je bila planirana izgradnja stambenog objekta koji je tada radila "Vranica" stopirano je zbog podvodnih voda, te je ostala velika rupa u kojoj se skupljaju vode i fekalije iz kanalizacije. Općina Novo Sarajevo je podnijela tužbu protiv



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

"Vranice" (ne zna se tačan tužbeni zahtjev Općine Novo Sarajevo u odnosu na "Vranicu"), ali stanovništvo Humske ulice, od lokacije mjesne zajednice do broja 169 je jako ugroženo zdravstveno, jer bukvalno u taj prostor ističu fekalne vode gornjeg dijela Pofalića. Jedno vrijeme su tu baru iscrpljivali pumpama, a sada to niko ne radi. Stanovništvo koje živi u tom dijelu istresa građevinski otpad, dolaskom proljeća dolazi do pojave žaba i komaraca."

U vezi s dostavljenom inicijativom, dajemo slijedeći

ODGOVOR :

Problem gradilišta na navedenoj lokaciji postoji još od 2007. godine, gdje je na mjesto postojećih objekata od strane investitora – izvođača radova "Vranica" dd Sarajevo u stečaju, započeta izgradnja novog poslovno-stambenog objekta. Radovi su obustavljeni od strane nadležnog organa općinske urbanističko-građevinske inspekcije Općine Novo Sarajevo, pa je iz tog razloga nastala prisutna situacija kao što je opisana u dostavljenoj inicijativi.

Protiv rješenja inspektora o obustavi radova, pokrenut je upravni spor koji je još uvijek u toku, što dodatno usložnjava situaciju. Pored navedenog, na predmetnoj lokaciji postoje od strane stečajnog sudije u okviru stečajnog postupka potraživanja na privatna razlučna prava u korist više osoba povjerilaca u smislu vlasničko- pravnih odnosa i prava raspolaganja navedenim lokalitetom čime se problem još više komplikuje.

Kao posljedica donošenja rješenja o obustavi radova iz 2007. godine, vremenom su se počele javljati akumulacijske vode u građevinskoj jami tako da je dana 17.05.2012. godine kantonalni sanitarni inspektor donio rješenje kojim je naložio investitoru -izvođaču radova "Vranica" dd Sarajevo u stečaju da poduzme odgovarajuće mjere u vidu asanacije gradilišta, dezinfekcije, dezisenkcije i deratizacije. Rješenje sa istim mjerama doneseno je od strane kantonalnog sanitarnog inspektora i 07.08.2018. godine.

Pored naloženih i izvršenih mjera problem se ne rješava, jer se jama nakon izvjesnog vremena ponovo puni vodom. Naime, poduzimanjem navedenih radnji nije moguće trajno riješiti problem jer voda koja se nalazi u jami nije podzemna voda, što se vidi iz geomehaničkog elaborata u kojem je konstatovano da se podzemna voda nalazi na dubini većoj od 3 do 3,5 metara što znači na većoj dubini nego što je dubina građevinske jame.

Kantonalna urbanističko-građevinska inspekcija je o svemu navedenom upoznala urbanističko-građevinsku inspekciju Općine Novo Sarajevo, aktom broj: UP-1-14-06/02-23.0-12543/18 od 04.07.2018. godine, međutim do rješavanja pokrenutog upravnog spora ista ne može poduzimati bilo kakve radnje.

Odmah po prijemu zastupničkog pitanja, kantonalni sanitarni inspektor je dana 15.04.2019. godine izvršio inspeksijski nadzor na naprijed navedenoj lokaciji te u zapisniku o izvršenom inspeksijskom nadzoru broj: UP-1-14-10/05-37-07416/19 utvrdio da se radi o ograđenom građevinskom zemljištu (gradilište) investitora "Vranica" dd



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Sarajevo u stečaju, koje je obraslo korovom i šibljem s jedne strane i započetim objektom - ruševinom s druge strane.

Gradilište ima centralno udubljenje površine cca 30mx25m, koje je ispod nivoa okolnog zemljišta ispunjeno stajaćom vodom, zbog čega postoji mogućnost da se na navedenom terenu umnožavaju insekti, glodari i gmizavci. Iz naprijed navedenog razloga ne isključuje se mogućnost pojave zaraznih bolesti.

Nakon što je izvršen inspekcijski nadzor, postupajući inspektor je isti dan uputio zahtjev JU Zavod za javno zdravstvo Kantona Sarajevo da se izvrši procjena epidemiološke situacije navedenog lokaliteta i ispita porijeklo vode te zatražio procjenu ugroženosti zdravlja stanovništva.

Nakon što je zaprimljen traženi Zapisnik sačinjen prilikom epidemiološkog izviđanja i procjene ugroženosti zdravlja ljudi na navedenoj lokaciji od strane JU Zavod za javno zdravstvo Kantona Sarajevo postupajući sanitarni inspektor je donio Rješenje broj: UP-1-14 -10/06 -37-07416/19 od 07.05.2019. godine, kojim je naredio "Vranici" dd Sarajevo u stečaju da u interesu zaštite zdravlja stanovništva provede mjere radi sprečavanja štetnih posljedica, odnosno da izvrši asanaciju cjelokupnog ograđenog prostora obraslog korovom i šibljem, pratećeg građevinskog objekta te centralnog udubljenja ispod nivoa okolnog zemljišta ispunjenog stajaćom vodom.

Na doneseno rješenje "Vranica" dd Sarajevo u stečaju je uložila žalbu Federalnoj upravi za inspekcijske poslove, kao drugostepenom organu, po kojoj u momentu sačinjavanja ovog odgovora nije riješeno. Inspektor će po službenoj dužnosti nastaviti inspekcijski nadzor, nakon što zaprimi rješenje drugostepenog organa.

Satramo da se izvršenjem naloženih mjera od strane inspektora problem rješava samo privremeno, jer će se voda u vrlo kratkom vremenu ponovo akumulirati, zbog čega se u cilju rješavanja nastale situacije treba uključiti šira društvena zajednica posebno Općine Novo Sarajevo na čijem je lokalitetu prisutan problem.

S poštovanjem,

Dostaviti:

1. Predsjedavajućem Skupštine KS
2. Sekretaru Skupštine KS
3. Sekretaru Vlade KS
4. Arhiva



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb